

Inzko pozdravlja napredak BiH u svezi sa liberaliziranjem viznoga režima



Visoki predstavnik i posebni predstavnik EU Valentin Inzko danas je pozdravio prijedlog Europske komisije da se građanima Bosne i Hercegovine ubrzo omogući putovanje bez viza, nakon što je Bosna i Hercegovina u posljednje vrijeme načinila pomake u ispunjavanju većine uvjeta za liberaliziranje viznoga režima sa EU.

“Ova najava je dokaz da će reforme, kada se provedu sa potrebnom urgencijom i posvećenošću, biti nagrađene i da će biti od izravne koristi svim građanima Bosne i Hercegovine”, rekao je Inzko, podsjećajući na mnoge nedavne prilike kada je morao poticati ovaj proces koji predstavlja konkretan korak ka Evropi za sve građane Bosne i Hercegovine.

Visoki predstavnik i posebni predstavnik EU pozvao je vlasti u BiH da iskoriste predstojeće tjedne i mjesecce i ispune preostale uvjete, tako da ništa ne stoji na putu usvajanja odluke ove jeseni o uspostavljanju bezviznog režima za Bosnu i Hercegovinu.

Europska komisija je danas predstavila prijedloge kojima će biti omogućeno građanima Bosne i Hercegovine da putuju sa biometrijskim putovnicama u zemlje shengenskog područja bez potrebe posjedovanja kratkoročnih viza, pod uvjetom da zemlja ispuni preostale uvjete.